



Fasnacht 2000

Dritte Joorgang

Vor em Färnseh sitzt e Mensch und d'Langewyl bloggt ihn so schwär

By däm wo är do macht isch är elai — sy Seel isch Iärr  
Nur ains ka ihn no rette — das wird 's Änd vo sym Verdruss  
's isch bald ains am Morge, denn hett's TV3 dr Sändeschluss

My Uuränggel sait zu sym Sohn: «Jetzt isch es grad sowyl

Morn isch Sylveschter, mir sin fir 's 2080 fit  
So nääbeby fallt mir no yy — waisch Du zuefellerig grad  
Findet aigendlig in däm Joorhundert no die Expo statt?»

Bisch näreees und kasch nid schoofe nimm e Schliggll Baldrian

Mit gnuog Vailum in dr Biire bisch vor Miedigkait im Wahn  
Fir e dieffe Schloof ka au am Sunntig Oobe 's Färnseh Sorge  
Nach 2 Minute Lüthy/Blanc do bisch im Coma bis am Morge

My Schätzli sait zu mir: Tendänze muess me reschbäggdiere.

Wie wär's mit uns, wänn mir nid au emooole fusioniere?»  
So Verglyych mit dr Privatwirtschaft due-n-ich gar nid begriesse,  
Sunsch duet si immer wenn mir d'Akte styge ihrl Berse schliesse

Angscht um Arbeitsblätz — Sozialabbau — das bringe uns d'Fusione

Aber sicher gitt's au Zämmeschluss wo sich fir all lohne  
Die Fusion zwische Donat und Kunschthalle isch z'begriffte  
Denn hesch nämmlig nur an alm Ort fir zyyl Stutz no Ranzeptyffe

Dr Schäuble sait zem Kohl: «Helmut Y weiss mir henn no Macht

Der Skandal mit dene Spende hat uns sehr viel Einsicht bracht  
Auf em Mars do gib't e CDU, Y kann des fascht nit fasse  
Wer sonscht könnte ohne Spur e Sonde dort verschwinde lasse.»

Dr Blocher isch e Basel-Fan — Ihr wissed's numme nid

Fir e Museum do git er e Leyhgoob — das isch doch e Hit  
Jetzt hett 's Bubbihuus am Baril dr grooss Renner — kasch druif wette  
Dr Ueli Murer an dr Usstellig fir blassi Marionette

Hesch e Wulle uff dy Noochber, wo-n-e wyssl Weschte trait

Är hett e guete Leumund, isch perfäggt in Ehrlickait  
Suechsch dr beschti Wäg dr Unschuldigl schnäll im Knascht z'vesorge  
Lütt em Hug aa, due-n-e Stell ihm by dr Staatsanwaltschaft bsorge

Fir gspässlig Zyyg no Ydritt zahle — das isch wirgllig sätte

Im Glalbasel do hett's das gäh mit Namme Körperwälle  
E mänge Promi hett das gseh — gäh gärn sy Kerper här  
Jetzt hämmer Iberleggt, weele fir uns no g'aignet wär

Zeersch wolt d'Nella ihre Kerper spände aber 's wurd nit haue

In Basel ka kal Firma so-n-e Rllsehalle baue  
Dr Feldbusch ihre Hirnl wär e Hit in däre Schau  
Doo gäbls aber hindrem Mikroskop duurend e Stau

Au e Präparat vom Kohl sym Kopf wär nid grad ab dr Stage

Will, gspaltni Zunge gsehsch sunsch nur by Echse oder Schlange  
Em Christoph Eyemann syni rächti Hand miecht villlicht au no 's Renne  
Die miesst me allerdings zeersch no vo syner Seggredärin drenne

In Bärn do fyhlt sich d'Dreyfuess Ruth jetzt wohl in allne Laage

V odr Metzler griegt si all alle Glalder zem Uustrage  
Zem Schluss maint d'Metzler no: «Du duesch mir immer no sehr laid,  
Drum mache mir Dir us em Tex-Ald-Sagg drzue e Cocktail-Glaid.»

Bängggle isch e glatti Sach  
mir BSG-ler sin vom Fach  
Kumm doch bi uns go yynegnaisse  
mer dien Dy gärn willkomme haisse

Basler Schnitzelbangg-Gsellschaft Poschtfach 4001 Basel